

**Headline: Universiti Britain pilih Singapura hos program  
'musim sejuk'**

**Source: Berita Harian**

**Date: Friday, 12 Sept 2008**

## Universiti Britain pilih Singapura hos program 'musim sejuk'

UNIVERSITI Warwick dari Britain telah memilih Singapura sebagai hos program sekolah 'musim sejuk' bagi belia bijak, yang buat pertama kalinya dianjurkan universiti itu di luar Britain.

Ita memilih Sekolah Tinggi Matematik dan Sains NUS (NUSHS) walaupun beberapa negara lain berminat menjadi hos program Gerbang Antarabangsa bagi Belia Bijak (Iggy) itu.

Program tersebut melibatkan 110 pelajar bijak berusia antara 11 dengan 19 tahun yang akan mengikuti kursus berasrama di NUSHS dari 9 hingga 20 Disember.

Di bawah program tersebut, para pelajar itu akan diberi peluang mengikuti beberapa kursus elektif, seperti Sains Perubatan; Dunia Matematik; Menghurai Isu Global menerusi Matematik; Penulisan Kreatif dan Perbandingan Budaya; dan gabungan Fizik dan Kimia.

Dalam satu kenyataan bersama semalam, Pengetua NUSHS, Dr Hang Kim Hoo, berkata pihaknya berasa bangga menjadi rakan sekolah bagi program Iggy Universiti Warwick.

"Sekolah Tinggi NUS dapat berasa misi Iggy untuk memupuk belia bijak, dan sentiasa meneroka peluang seperti ini untuk mengembangkan potensi pelajar terbijak kami," kata beliau.

Naib Canselor Universiti Warwick, Profesor Nigel Thrift, berkata Singapura dipilih memandangkan republik ini memberi perhatian khusus terhadap keperluan pelajar bijak dan juga lokasinya yang baik bagi kegiatan Iggy pertama di luar negara.

Butir permohonan untuk menyertai program sekolah 'musim sejuk' ini boleh didapati daripada laman [www2.warwick.ac.uk/study/iggy](http://www2.warwick.ac.uk/study/iggy).

Tarikh tutup permohonan ialah 17 Oktober.